

ABSTRAK

Perumahan awam adalah salah satu kebajikan yang disediakan oleh kerajaan kepada rakyatnya. Namun, masalah vandalisme boleh dikatakan tidak terbahagi dari kawasan perumahan awam dan kerajaan terpaksa menyalurkan sumber kewangan untuk menyelenggara perumahan awam tersebut. Menurut kajian, masalah vandalisme banyak berlaku di perumahan awam di bandar. Di kawasan bandar sesetengah penduduknya tidak ambil peduli terhadap apa yang berlaku di sekeliling mereka. Oleh itu mereka yang melakukan vandalisme ini merasakan diri mereka bebas untuk meneruskan gejala negatif ini tanpa menghiraukan rasa tanggungjawab terhadap harta benda awam. Sikap Apati (tidak peduli), individualistik dan materialistik seseorang individu adalah produk sistem sesebuah masyarakat. Sikap sesetengah masyarakat kini yang mementingkan soal kebendaan dan tidak ambil peduli terhadap isu-isu sosial sememangnya merumitkan masalah yang sedia wujud. Vandalisme boleh dikatakan adalah masalah sosial akibat kependudukan yang padat di sesuatu kawasan dan pembersihan yang diambil ringan menyebabkan juga pencemaran alam sekitar.